

恬堂詩文鈔

三

159  
4  
132

159-132




\*1200901382849\*

Kodak Gray Scale



© Kodak, 2007 TM: Kodak

A 1 2 3 4 5 6 M 8 9 10 11 12 13 14 15 B 17 18 19




Kodak Color Control Patches


© Kodak, 2007 TM: Kodak











恬堂詩文鈔卷三

三河 秋山彝 著

男 文 校

渡小刀禰

大正 8.6.11 內交

千里奔注向東方。轉石捲砂勢騰驤。傳聞關東一大水。界綫常者稱太郎。支流一條亦廣濶。滾滾直入武綫疆。疏鑿豈借大禹力。順流自古不為傷。今秋吾為觀國客。曉風下馬駕輕航。打棹鴻波聲喧阗。乃知灌溉澤汾鄉。列岸村落如櫛比。豐年穰穰歛稻秧。水哉



水哉利萬物。知是人間無盡藏。

夏日坐水軒

祝融方展猛威時。賴有茅軒傍碧池。茂柳陰重支畏日。新荷綠動送涼颼。身清頓脫甑中苦。境靜偶生塵外思。何道戶窓如許小。夢魂遙繞大江湄。

古戰場

孤墳零落碧苔濃。折戟空餘千古蹤。一片斷碑留杖讀。悲風吹送暮山鐘。

明妃夢還漢宮

身栖塞北焉得回。不似鴻雁秋南來。一夜寒燈影寥

小野湖山曰  
結得悽婉

圓。氈毛衾裡眠初催。恍惚魂飛漢宮殿。御香春暖玉張開。天顏有喜恩賜厚。寵榮獨占椒房魁。無奈一刻殘夜夢。歡樂瞥然委浮埃。月沒寒樹東方白。胡笳一曲送餘哀。

春雨懷友

與誰相對棹航船。獨臥深窓憶悄然。遠客未歸花落盡。細風斜雨暮春天。

訪友人山莊

暖靄籠山影疊層。衡門深鎖舊詩朋。風光自與凡鄉異。流水桃花小武陵。



湖山曰好議

山中靜逸曰  
意到筆隨此  
自本色

藤納言

決然晦跡入江湖。人道范蠡出一圖。豈顧區區人世  
富生涯。不復作陶朱。

觀碁

有客幽窓夜圍碁。凝神不覺水漏移。奇正互張攻守  
勢。一秤對坐下子遲。想見宇內亂無極。素練黑常翻  
各域。江左勢蹙保偏隅。關中守固制六國。方今四海  
不揚瀾。黔首安似碁局安。手戰借爲消憂計。吾亦一  
笑袖手觀。

春夜卽事

靜堂曰幽淡

門外人聲定。屏中燭影孤。冷寒醒後面。瘦瘠病餘軀。  
索句懷佳伴。烹茶供靜娛。一痕梅上月。烟際淡將無。

花溪泛宅圖

春水溶溶碧滿灣。桃花紅簇兩涯山。黃昏不繫吟人  
艇。出沒香雲杳渺間。

綠陰垂釣

竹竿携去坐苔磯。沙濕春風塵不飛。脚下深灣頭上  
柳。兩青并染釣人衣。

春晝睡起

鳥方吟花方發。韵事匆忙春三月。一枕黃梁亦風流。

湖山曰黃梁  
風流意詞共  
新



寧落擾擾風波窟。忽爾覺來日午天。夢中情懷恍不  
歇。輕雲解駁天如油。又憶郊遊辨鞋襪。

蟲聲

雨霽煙叢動候蟲。繁絲急管互爭工。階前涼意何由  
露。樹裏秋聲不待風。旅館愁人腸自斷。幽閨思婦夢  
難通。此時吟客多情興。立盡殘宵斜月中。

冬日閑居

一冬晴氣暖如烘。且養天和小室中。几畔書唯隨意  
讀。匏心酒欲與人同。風流幾日媒青眼。富貴多年附  
碧翁。知得閑居殊有味。世塵於我馬牛風。

湖山曰前聯  
佳對

聽講三略

黃石兵書述大猷。如何聽使一言休。以君才識解全  
旨。削定非唯及八州。

食西瓜

汲得澗泉浮碧團。一刀偏愛此心丹。楚山名璧璞初  
琢。晉帥左輪朱未乾。鑿爾齒牙甘液漲。凜然腸肺午  
風寒。昌平至樂清饒客。不比當年軟血難。

寒夜聞笛

月光如水滿欄干。聞笛幽人坐夜闌。清厲一聲將裂  
石。虛窓添得幾層寒。



風光艸際浮

已逢恩雨霽。還見暖煙生。節及熙春半。氣舒群草莖。  
溫風飄碧葉。細露滴紅英。粉蝶追芳鬪。黃鶯求友鳴。  
王孫遊意切。野老睡魂清。我亦拋殘卷。得得踏青行。  
迷懷

青雲頃日寸心灰。寒士安寒不用哀。只把文章代長  
舌。迂言徒作毀言媒。

夏夜偶成

烟上飢蚊不嚙肌。浴餘伸脚坐軒陲。微涼何待天風  
力。一柄羅紈動手時。

湖山曰今古  
慨書生同一感

遊東浦歸途口占

一領吟衣不染塵。渡頭還值晚晴新。篙師有意刺舟  
緩。十里川風吹醉人。

送橫田兄遊洛

陽關一曲切離思。殘月啼鴉共淒悲。春霧吹散河梁  
曉。送君雙眼淚欲垂。十年契合膠漆友。豈料一旦隔  
天涯。別時慙慙贈一語。吾語藥石君莫疑。兩慈倚門  
髮如雪。祈君衣錦不愆期。休折島原樓畔柳。遊子忘  
家正此時。

湖山曰讀到  
結尾春霧二  
字覺不泛

月下清酌



雲脚逃風晚霽開。涼簷酌酒興深哉。如今不羨金莖露。吸盡天邊月一杯。

晚涼登山亭

亭榭依高處。登臨掀翠幃。未秋風爽冷。欲暮雨翻飛。暗壑泉聲湧。前山樹影微。卽知塵境遠。清氣溢人衣。

題前赤壁圖

西夏口東武昌。碧霧連天夜蒼茫。周郎當年奮戰處。今日翻爲風雅場。坡老才華元透發。胸間籠絡好風月。一筆遙登馮夷宮。洞簫徹曉聲激越。君不見今古不變山河中。前有武雄後文雄。

七夕守德堂集

天河影淨映高堂。俊士傳杯坐夕涼。大史今宵應有奏。德星光犯二星光。

東遊至佐倉

追思往事幾星霜。尙記先公舊鎮疆。萬落千村遺澤遍。于今黎庶說甘棠。

杏花春雨圖

滴滴紅濡一樹春。嫣然態度似佳人。奈何當日白居易。帶雨梨花樣太真。

春景山水圖

靜堂曰余讀此詩愈識先公德深



獨木橋邊水若藍。涯花爛爛柳毵毵。有風山靄不留影。認得隔溪家兩三。

暮秋客懷

衰軀又值暮秋時。百感橫胸不可支。客裡艱酸經歲久。人間名利見機遲。世情真若迎春凍。身跡唯同曳尾龜。獨坐寓樓思古道。寒檠寂寞有餘悲。

有年

休徵屢見自天臻。十雨五風覃四垠。村野歲饒租吏緩。叢祠日賽鼓聲新。夜深梁上無君子。價賤樽中有聖人。老幼歡然頻擊壤。太平風化識逾淳。

藤森弘庵曰

新奇

湖山曰梁上君子樽中聖人屬對奇而穩

題畫

斜日入林盡。幽雲出谷飛。前峰知有寺。負杖一僧歸。

壇浦

波濤萬頃引愁長。識是諸平覆此鄉。廟議尋常遺策略。天威咫尺斃滌荒。翠華遙駐龍宮底。青史長懸金鑑光。自古知機真俊傑。小松聲大幾千霜。

東台看花二首

夜來微雨恰逢時。一嶺都無不發枝。提挈吟囊兼飲榼。香雲族裏步遲遲。

觀音閣畔麗春華。樹樹山櫻疊彩霞。紈袴羅裙同一



隊。輕風美日醉看花。

雪中芙蓉館集

連朝大雪壓籬樊。梅萼別標高士門。細徑才通騷客跡。數杯叨醉主人恩。坐中詩賦慚金谷。簾外風光想兔園。身在都城如在野。不聞奔馬走車喧。

十五夜無月

蟾精又被雨雲讎。獨下蘆簾不耐愁。一夢人間忽遽際。幾回能遇好中秋。

奉壽

老侯七十高齡

安康已及古稀年。從是壽齡知益延。天意慇懃福明德。金丹不必學神仙。

一日老侯召臣辱示一幅。蓋行藏丹羽先生

所獻於義父雲氣先生之二絕句也。且公命和

其韻。彝謹覽之。詩詞奇險而書體雄俊。不能盡

讀而盡解焉。然夫子顛末。彝嘗竊得聞之。曰夫

子曾仕某公。朝有佞臣政綱爲紊。夫子慨然上

書。乞處諸重辟以正國典。蓋做朱雲乞斬馬劍

欲斬佞臣之意也。既而書言漏泄。反爲所中傷。

幽于某國邑十餘年矣。晚歲深自悔。曰吾壯年



靜逸曰清人  
得意句調

所爲。雖出忠義憤懣之餘。然違周易晦明之理。  
豈自全之道哉。於是益究精於易。終能成一家  
之學云。今以所聞照其詩。亦未曾不少得其義  
也。乃和以上焉。  
花開不奈雨風多。歲自人間悶裏過。貫日白虹誰得  
識。憐君懷玉老。嗟。此。  
乞劍豪心已破殘。窮來雪髮鏡光寒。當年箕子明夷  
意。靜就一編周易看。

杏花春雨

淡雲如夢雨毛空。紅杏花開蕭瑟中。無限春愁含不

語。一枝香淚滴東風。

春日野望二首

輕衫披靡帶春飈。閑立城南小板橋。水擁孤城深碧  
漾。花敷遠塢暖紅飄。晴烟廣野耕牛息。落日連峯歸  
雁遙。一洗平生塵裏眼。天然風趣望中饒。  
踏約郊村伴故人。一瓢綠酒意相親。幾年煩務空光  
景。此日閑遊屬盛春。消雪山初呈本色。籠烟柳正見  
風神。近觀遙望皆清絕。半點不揚車馬塵。

早春對雨記喜

早春無物供詩材。忽值東風送雨來。數步閑園遍霑

靜逸曰亦目  
不几



潤番番花自此中催。

醉中吟

無窮世有限軀。幾人行路歎崎嶇。青州從事字狂水。唯吾心醉爲知己。交日厚情日濃。一杯自有一杯功。酌至數杯快更快。胸間磊塊灑一空。曷問尋常小繩撿。逸氣吐出萬丈虹。吁嗟人生匆忙駒過隙。豈可獨醒死苦中。

欲出遇雨

乖違吟策約。暗雨濺茅廬。爲憶花榮萃。屢看雲卷舒。春寒沾滴裡。午倦闐寥餘。布穀無呼霽。傷懷坐小疎。

梅澤敬卿自東都歸省。以客土所作歲晚律詩。

示西村子中。子中轉示諸余。辭氣慷慨。毫無有披靡孱弱之風。誦吟一過。不覺拍案稱快。乃步其韵以自述懷。示之二子。

富貴功名心所期。虛名嘗向大都馳。青年磊落凌人氣。白首龍鍾還國時。十笏茅茨容靜跡。一篇風月飭閑詞。窮途自古知音少。矮紙寫憂將寄誰。

晚春雜感

也遇殘春百感加。鬢邊新著數莖華。亂風吹雨東窓畔。薄命人看薄命花。



惜春詞

黃鸝喉澁杜鵑鳴。墜紫落紅片片輕。無復長繩繫奔  
日。瞥爾春徂奈離情。斟酒遇春春不樂。煮茶留春春  
不諾。春兮棄我我將衰。我兮厚春春何薄。簾幙鎖雨  
日暮天。偶坐何物慰寂然。時喚筆奴寫愁肺。卽是今  
年惜春篇。

西施顰里圖

顰面猶看傾國姿。况他嬌笑解纖眉。當年心病如無  
起。吳越存亡未可知。

初夏江村

靜堂曰風致  
古體

一碧玻璃十里強。幽雲淡霧別成鄉。新荷展卷魚群  
穩。垂釣人閑坐夕陽。

閑居無聊漫吟自遣二首

門無剝啄晝方長。案上金鳧飄篆香。一卷南華開在  
手。虛心遂入黑甜鄉。

苔氣香深園數弓。塵埃不點寂寥中。習飛雛雀來相  
喚。細細綠飄新竹風。

送茂手木生

殘燭凝寒焰。隣雞報曉天。唱他三疊曲。同此一宵筵。  
風雪函關路。雲濤荒井船。妙齡遐境役。臨別恨纏綿。

靜堂曰二首  
幽淡可誦



湖山曰六言  
二首皆清穩  
可誦

靜逸曰亦清  
穩

偶題

只知流水年華。不羨浮雲富貴。鬢髮愁來作班。詩書  
閑裡多味。  
千古風塵世界。一場春夢生涯。朱門何者低首。綠蟻  
只予暢懷。

即事

黃梅節過天晴。翠竹陰深晝靜。檐角丁東鐸聲。爐邊  
黯淡烟影。  
密密苔移石間。疎疎竹植階畔。園中位置尤奇。一種  
閑人手段。

贈彫工瓶城

農歸人所欲。君已着先鞭。寸鐵通神筆。開耕幾石田。

辭職

宦海投身已十年。風波堆裡不安然。收功却在桑榆  
後。掌握江湖自主權。

偶感

萬事唯應附碧翁。世間雲雨態何窮。論交鮑叔誰相  
似。送鬼退之吾偶同。鹽米役人瀕老境。文章背古落  
時風。百分憂悶難磨耗。肝膽如今借酒雄。

過古塚



片碑文缺帶苔痕。千載迷離泉下魂。拭淚低徊深樹底。杜鵑聲裡雨黃昏。

山館避暑

烟霞宿志未能酬。山館聊爲避暑遊。猶勝尋常名利客。黃埃赤日走街頭。

過友人舊居應命探題賦

頽壁斜垣沒艸叢。荒烟吹上季秋風。悽然忽灑感懷淚。落日山陽一笛中。

靜逸曰陸放翁

辛夷

卷苞如筆奪人工。傾首春風意不窮。時際文明無一

怪。問君何事欲書空。

江村晚眺

幽寥秋色裏。茅舍幾村家。平岸留斜日。歸篙趁落霞。江明山寫影。洲白荻叢花。一望畫圖裡。支頤送去鴉。

晚秋偶題

多感近來開口稀。一樽有酒奏功微。鏡中班髮秋斯暮。世上青雲夢共非。衰草霜凝殘蟀咽。遠巒烟闌斷鴻飛。風光節物迫人改。何忍幽窓送落暉。

望炊烟圖

傳道茅茨與採椽。明君御宇似堯天。一朝遐邇致豐



富萬戶炊烟是瑞烟。

秋盡

苦霧荒烟凝不銷。城郊氣色自幽寥。受風林葉保無力。帶取秋光一樣飄。

暮秋賞紅葉

勝花楓葉晚秋天。偶寄賞情斜日前。染筆豈無追慕想。風流第一杜樊川。

行宮斫櫻圖

東海有魚勢尤壯。一蹴洸洋捲惡浪。塘突來吞西日明。乾坤忽闇氣悽愴。哀痛詔書出天宮。涕泣日望勤

靜堂曰轉結佳甚

弘菴曰句句鍛鍊而結愈揚矣

王將可憐大東六十州。四顧無人可倚仗。三郎志氣是天資。欲奪鑾輿慰聖思。一朝奇計竟不行。斫櫻懇書十字詩。君不見世道荒蕪人懈怠。中有一介節士在。心胸能辨君臣倫。誓雪會稽死何悔。吾識斯櫻香有窮。斯人聲名香千載。

春郊偶步

花能含笑鳥能言。愛此滿天春色繁。韻侶偶來敲草戶。輕衫始整出城門。群山黛媚雲無影。連麥浪生風有痕。逸興不窮塵垢外。且尋酒店向前村。

又



雙屐孤筇有舊緣。閑來相伴午時天。一空晴氣溫如玉。十里平蕪綠似烟。景色真成東帝賜。遊遨卽是散人權。不須徑路論生熟。適意徘徊花柳邊。

過山家

四圍山嶂碧崢嶸。疊疊白雲隨屋生。日午門前呼不應。飛泉撲石亂人聲。

移松竹

松竹移來積雨餘。數弓園地綠扶疎。好奇翻背橐駝術。病葉枯枝隨意除。

北條早雲

奇智敏才誰似公。胸間夙辨攬英雄。何疑客土一雙劍。剪盡關中雲萬叢。

岳武穆

運用存心建偉勳。當年誰撼岳家軍。唯爲可懼是姦吏。三寸舌頭能殺君。

題山水畫

洞口吐泉開一川。碧巒高聳夕陽天。塵凡界外佳山水。樵父漁郎亦是仙。

江上晚歸

歸來堤畔路。輕葛冷如秋。村隔家猶遠。日沈江自幽。

靜堂曰實姦吏可懼

靜堂曰真題山水畫詩



亂葭風露岸。淺水鷺鳧洲。此景可無句。倚筇且小留。

老將

艱苦多年守遠藩。功成白首下戎軒。刀痕某戰箭瘢  
彼。指點分明說子孫。

夜雨不寐

幽人思萬緒。耿耿夢難通。況此壞檐雨。時兼亂艸蟲。  
魂消寒被底。眼暗濕燈中。妻子唯乘靜。甘眠到夜終。

感秋

世故如蠅拂。又來黃梁夢裡走風埃。何時得遂心中  
事。一夕秋風白髮催。

靜堂曰此詩  
能述老將形  
容來

靜堂曰奇想

寒林讀書圖

寒風掃葉樹林疎。中有蕭然小草廬。一半斜陽秋澹  
澹。人憑烏几讀仙書。

萬壑松風圖

亂雲如絮上危峰。忽有雄風撼萬松。洞壑一時形氣  
變。看來疑是鬪群龍。

負暄

茅簷曝日暖如春。背坐明窓與影親。活火何須慰膚  
骨。天公恩澤及閑人。

古劍行



鐵膽鑄出百練精。開匣神龍吼有聲。久蟠塵土紫鏽  
蝕。洗磨初見芙蓉生。珍寶豈待雷煥識。人間欲擬千  
金直。長安俠客莫漫羨。曾從英雄誅妖賊。君不見漢  
高腰間三尺霜。割斷大蛇啓戎行。又不見鴻門舞來  
氣如電。楚軍懾伏不敢當。古來所用皆然矣。長將偉  
績照青史。物變星移幾千秋。天下文武異張弛。方今  
七路無風塵。武夫袖手唯欠伸。此物威靈何所用。深  
藏以衛君子身。

讀義人錄

義人之跡高人筆。千秋共照天上日。案頭披卷讀未

終頓覺爽氣生一室。僻士休議赤穗事。懦夫猶慕良  
雄志。維主當年死吞冤。控訴路絕天昏昏。草間偷活  
我豈忍。誓斬仇人報國恩。至誠感動節義士。鐵石心  
腸同生死。韜晦暫投花柳街。鍊磨却自沈醉裡。既知  
仇家懈備防。四十六臣起奮揚。斫戶排壁齊亂入。雪  
月光迸寒劍鋌。禦者殺之逃者釋。所擬是仇敢爲逆。  
搜索邸中獲刃之。大鑼傳聲戢刀戟。志業一朝便克  
濟。奠首靈前慙懃祭。主魂苟慰更何求。霜鉞割腹從  
容斃。古來復讎傳世多。盛事亦罕元錄例。漆身豫讓  
徒勞神。椎駕子房亦失計。歲華如水逝不還。泉岳墳



湖山曰結末  
少不振可惜

畔碧蘚斑。依然不滅忠義魄。長流芳芬在宇寰。吾雖  
愚忝非毛族。追想昏然淚溢目。

楠公

漲天妖霧誓將披。竟使天王慰聖思。南木夢通開業  
日。東魚讖應苦身時。一城防敵識謀妙。三世護君哀  
命奇。自有聲譽流宇內。稱揚何惜湊川碑。

棣萼樓落成賦長句賀之

大匠竣功不誤程。美哉輪奐見餘榮。門懸赤羽橋邊  
月。窓引靈芝山上精。李氏將編花萼集。王家豈朽玉  
金名。先生異日逍遙處。和樂常聞琴瑟聲。

新秋偶成

小栖纔定一枝巢。愛此新涼動草茅。燈底陳編勞志  
力。樽中濃醪結神交。靜幽時引青山夢。疎放甘承明  
世嘲。玩月看雲吾事了。半生塵務好相拋。

小町乞食圖

命薄流離老路傍。風排雲鬢氣悽涼。腐殘一碗嗟來  
食。漉瀆當年錦繡腸。

送管盟兄重祗役東都

頻繁遠役豈歎嗟。尙是春風鬢未華。生志桑蓬男子  
事。家如羈旅旅如家。



江樓秋夕

時岸高樓塵不通。占來清景倚簾櫳。數行過雁蘆邊月。一點疎燈浦上風。水氣無痕秋溢席。霜華有影夜流空。漁郎亦似助吟興。弄笛烟波杳渺中。

記夢

霜刀百戰斬長蛇。鐵艦痕消靜塞沙。一介草間窮措大。夢魂猶解恤天家。

宗高射扇圖

貫虱穿楊夙比才。軍中蒙選出營來。船頭畫扇隔雲迥。一發應聲紅日摧。

湖山日辭氣  
雄壯

綠樹重陰蓋四隣

烟霞泉石我曾欽。塵世悠悠違素心。今日四隣深鎖綠。城居亦是小山林。

舟中所見

漣漪蹙蹙疊金紋。一半澄川已夕曛。遠岸碧明長短樹。他山紅引淡濃雲。行帆影向前村落。栖鳥聲隨叢葦聞。孤艇小留撫幽景。不堪歸去入塵紛。

燕

近市遠村春萬家。輕身短羽影斜斜。往來擇主非無意。艸戶靜閑朱戶譁。



雁行知伏兵圖

邊城旅雁亂秋雲。察伏如神誤虜軍。一部兵書能活用。不唯弓箭策殊勳。

梅霖書悶

溘雨滿庭梅熟天。竹簾深鎖晝蕭然。向秤誰對吟誰和。壹鬱中懷日如年。

武田信玄二絕

屠兒逐父蔑天倫。只辨兵機遠過人。孫子忠臣孔門賊。薰蕕一器供千春。

旌旆不揚京洛風。平生志業老將空。連年兵結河中

靜逸曰子秉詠史每見驚人

島。遺恨無窮俠越公。

奉賀

老侯入駕

四馬翩翩粧飭鮮。干旄朝映鶴城天。士民相望喜垂淚。不拜恩光十二年。

橋上納涼

小板橋頭步暮天。斜陽入樹水生烟。清涼不借微風力。脚底奔流一帶川。

送今村生之東都

驛門霧雨亂紛紛。風物何邊最感君。曉路關山千里



淚。杜鵑啼破馬頭雲。

始皇帝

銷鑠鋌鉞策太平。何知理亂在人情。魚書計就怨民起。斬取山東豈利兵。

秋扇

流金昨日暑煌煌。一動有功清枕床。無限恩情值秋盡。人心自古奈炎涼。

送子寬粟生翁赴任越前

公家事重一身輕。白首當任勞遠征。巾上露華濃水冷。馬頭嵐氣越山清。入疆先督編民業。坐府深知小

吏情。五十餘年磨勵志。期君政績此成名。

漫成二首

植物隨氣運。榮枯秋與春。感觀天地化。因知處吾身。窮達總任命。性情即歸真。

自笑環堵室。尙有心飭粧。東風吹膏雨。萬物仰微陽。栽花掩荒階。移竹補壞牆。

桃花喜雀圖

幾朵素梅花作陰。拙鳩何得領芳心。多情野雀謀栖巧。瓊玉堆中弄好音。

插秧

湖山曰真是學人之詩

弘菴曰鍊意鍊句



萬頃水田生細波。插秧人向此中多。短衰圓笠暮天  
雨。後隊歌麇前隊歌。

夏五卽事

一夜薰風起。頓消積雨蹤。樹方開翠蓋。雲欲聳奇峰。  
境靜詩神旺。晷長茶味濃。時知遊侶到。戶外屐聲登。

新暑追涼

南薰一脉日中天。新熟蒸肌攪午眠。門外清江涼可  
掬。嫩荷叢裡上輕船。

林亭待月

天上微雲解駁時。林亭待月捲簾帷。秋山當面高千

丈。不怪光輝一刻遲。

秋夜卽事

簾前墮露洗浮塵。一味新涼似誠人。茶冷香消客歸  
去。幽窓坐與短檠親。

函山道中

半生書劍易蹉跎。短髮秋風恨奈何。十里箱山危險  
路。駢裘遙冒曉霜過。

鴻臺懷古

天文敗衄豈無由。相綽爭如楚與雛。一自螳螂揮弱  
斧。終令樓櫓沒荒丘。深林月黑愁雲夕。殘壘風寒落

佳弘庵曰後聯



雁秋漾漾利根河上水。沈來怨恨古今流。

品川驛送友人航海之伊豆

鵬影忽開朝日流。布帆遙逐海程秋。天渾碧浪欲無際。七島依稀伊豆洲。

石

碌碌山溪裡。經年心益堅。忽諸女媧氏。誰取補頽天。

簾梅圖

殺氣掠空春失光。僵尸壘壘欲成岡。喜看奇士插清蘼。流血腥中生異香。

過復甫宅

靜堂曰能寫實景來

弘菴曰渾成

紅爐清燭故人家。歲晚寧歎貶物華。月掛寒空雲翳滅。虛窓寫出早梅花。

茶醺分韻得覃

座雜緇流友僅三。斜陽影靜小茅庵。芳茶一啜話神理。不似囂然醉客談。

初春遊近郊二首

城郊半日訪東君。衣襟超然脫俗氛。隴麥舒芽將一寸。野梅傳信已三分。好音時試遷喬鳥。暖色纔浮近午雲。咫尺風光聊可弄。何要絕境伴仙群。

弓取長堤雲母山。

弓取堤名雲母山名并在近郊

幽尋好此解愁顏。

湖山曰二聯皆佳結末不振可惜

靜堂曰如此結末何不振之



一包行飯何嫌薄。十歲忙人適得閒。草冒春寒青細  
細。烟逢落景色班班。歸來乞茗投柴戶。白首衰翁坐  
竈間。

暮春歸家

蕭蕭細雨灑簾斜。春色易衰心易差。東道關山留數  
日。歸來謝盡故園秋。

寺西詮言漫遊訪予予嘗與詮言共學于穀塾  
距今九年

南北分離幾舊朋。都門文酒夢曹騰。滿窓秋雨留君  
宿。九歲情懷話剪燈。

弘庵藤森先生西遊歸路辱枉訪賦一絕以呈  
自離函丈五星霜。感荷高懷記不忘。上國雲烟探遍  
後。辱披荆棘訪寒鄉。

晚春

愁吟擁膝坐窓前。細雨霏霏薄暮天。浪蕩浮花春一  
瞥。杜鵑聲裡綠如烟。

平氏西敗圖

昨日聲焰灼群生。今朝溺屍餌巨鯨。敗覆有由君悟  
否。難恃湯池與金城。復讎源軍忽東來。疾擊恰如九  
天雷。百折蠶叢失要害。一炬咸陽委燼灰。直將浮家

靜堂曰清人  
之句調



代金闕。蓬窓淚暗西海月。赤幟影靡錦旗凋。君臣相見痛徹骨。敵師躡踵勢破竹。崖山一戰又挫衄。龍死龍宮海氣腥。可憐趙氏一塊肉。君不見壇浦風浪日洸洋。平氏惡臭難銷亡。威福二字自作孽。九原莫恨源九郎。

溪上月夕

青碧峰中斷。深清水曲流。一輪灣面月。誘我上涼舟。

巴姬別木曾公圖

楚帳歌悲淚數行。一朝叙別去彷徨。怪來斬將搃旗手。却爲他人護枕牀。

新晴馬上

幾年書劍歎萍蓬。也叱疲驂首夏風。雲雨始從昏景霽。山河不與故鄉同。悲吟寂寞鞵鞍上。壯志蹉跎岐路中。何日安栖身跡了。靜觀新綠映簾櫳。

男谷水石漫遊到吾鄉。以詩見贈。即次其韻答

之。詩中有良木元生匠石園之句。故用匠石字答之。

投來白雪照荒園。一誦知君山斗尊。數畝詩田皆種玉。千尋學海素探源。東西觀國遊蹤遍。新舊締交文事繁。蠅翼未遑逢匠石。忽忽又酌別離樽。

春朝



靜逸曰流逸

春衾懶睡人。忽被鶯兒警。嗽日上庭牆。花清窓際影。

湖山曰二聯皆妙

城頭春暮雨。午氣日冥濛。養懶人親枕。引痕蝸上櫳。草添三徑綠。花謝一林紅。悟得物消長。亦從蕭瑟中。

雨中春盡

湖山曰同病相憐不得不

坐臥深窓底。旬餘不到郊。雲昏鶻哭雨。泥滑燕營巢。送盡春三月。添來綠幾梢。愁懷何以遣。日與麴生交。

春窓看山

東風吹拂滿城塵。泉石何須寄此身。一路雲歸夕陽靜。湘簾近對碧嶙峋。

僧房借榻

襟懷夙昔厭塵緣。泉石烟霞養我天。未到揚州上禪榻。輸他豪俠杜樊川。

消夏

窓前閑却一秤碁。簾底投來半草詩。消夏卽今無別計。只將長睡擬希夷。

亞父碎斗圖

一擊失機心憤然。碎來玉斗酒杯前。君王徒具重瞳子。不察真龍逸上天。

水村晚景

靜逸曰子秉計夏術實良



159  
4  
132

隔岸鐘聲報晚昏。蒼烟忽掩遠山痕。潮流次第及江口。幾箇歸帆競向村。

秋懷

春溫候纔過。早已屬炎暑。暑退卽是秋。時節遽代序。人居天壤間。生時能幾許。或比之大夢。又呼爲逆旅。金丹事荒唐。宇寰無仙侶。貧富同一斃。懷之意淒楚。俯仰秋色中。天地氣初沮。浙瀝風度庭。草樹厄青女。坐惜夕陽光。又憐遠村杵。仁安斑鬢毛。宋玉亂情緒。可愛唯麴生。大杯手屢舉。一醉胸濶然。清吟和蟲語。

靜堂曰筆筆  
助活動若有神



